



UK Research
and Innovation

Québec

Fonds de recherche – Nature et technologies
Fonds de recherche – Santé
Fonds de recherche – Société et culture



Government
of Canada

Gouvernement
du Canada



ᐃᓄᐃᑦ ᑕᐱᓃᑦ ᑲᓄᑕᑦ
INUIT TAPIRIIT KANATAMI

Qaujisarnirmu tuksiqtuutinik pijumajut

Kanatami–Inuit Nunangat–Ingalami
Ukiuqtaqtumi Qaujisarnirmu Piliriangujuup
Iluaniinngaaqtumi

2021-2025

Piliriangujuup Quvvasiktut–Pijaksait Unikkaangit

Inuit Tapiriit Kanatami (ITK), Ingalami Qaujisarniq ammalu Piliriruluujarniq (UKRI), Nunarjuap Kajjiganik Qaujimanigaqtut Kanata (POLAR), Kanatami Qaujisaqtinu Katimajit (NRC), Mirnguisirvilirijikkut Kanatami (PARKS), ammalu Kupaingmi Qaujisaqtilirijit (FRQ) sarimagusukput pigiaqsinirmi katinngallutik qaujisarnimu tuksiqtuutunik pijumajumik ikajuqsuinasuklutik ilagiiktunik silamu–pijutaajut asijjiqpalliajunut nunami, sigjami ammalu sigjaup qanigijanginni avatinik Inuit Nunangata iluani, ammattaup aktuiniujut Inungnut ammalu nunalingni aanniaqaqtailinirmi ammalu qanuingittiarnirmi.

Inuit nunalinginni avatinga asijjiruniruni maannaujumi ammalu sivunittinni pimmariumiittuq ukua suqsiqtaunirigajaqtangit kiinaujaliriniq, inuliriniq, piqqsuliriniq, avatiliriniq ammalu aanniaqaqtailiniq. Inuit naammattiangittumi atuqattarmata ajjiingiruluaqtunik tuluqtarutunik piungittunik aktuiniqaqtut inulirinirmi pijutaajunik aanniaqaqtailinirmi ilaqaqtuni niqiqattiarnirmi, iglulirinirmi, ammalu isumalirinirmi qanuingittiarnirmi. Taakkua unuqtut tuluqtarutiit piujunniqtitaukkannirniqaqtut avatiup asijjiqpallianingata sukkaninganu.

Piliriaksait ikajuqsuqtajut taassumunga pijumajumut ilaqarniaqtuq kiggaqtuittiarnirmi unuqtunik ilinniarusiujuunik qaujisarnimu, ilaqaqtuni avatilirinirmi, inulirinirmi, piqqsulirinirmi, aanniaqaqtailinirmi, aqqiksuijunirmi ammalu saqitittijunirmi. Isumagijaujuq unuqtuq qaujisaqtauniaqtut piliriaksarijaujunik piliriiauniarminni Inuit Nunangata iluani. Inuit Nunangat inungni nunagijaujuq Kanatami, iluliquaqtuni angirutaujunik aviktuqsimajunik Nunavut–mi, Nunavik Kupai ukiuqtaqtungani, Nunatsiavut–mi Laapatua ukiuqtaqtungani ammalu Inuvialuit angirutausimajumi aviktuqsimajunnga Nunatsia–mi. Nunami, imarmi ammalu sikumik ilaqaqtuni, ammalu iniujumi iluliquaqtuni 35 pusanitamik Kanataup nunaqutinginni ammalu 50 pusanitamik sigjaqtajunik. Qaujisarniqtaqaqpa iniup silataaniittumi, takutitilluaqtuq Inuit Nunanganu atuutijumik aktuiniqaqautiginigani.

Tatarijaujulimaat iluliquaqaqtut Qaujisaqtimmaringmi Angangajuqqaami Ingalaminngaqtumi, ammattaup Qaujisaqtimmaringmi Angangajuqqaami Kanataminngaqtumi. Taakkua ajauqsuqtajut taanna Kanatamiutaq Qaujisaqtimmaringmi Angangajuqqaq Inuuluni, uvvaluunniit Inuit katujjiqatigiingani uvvaluunniit Inuit Nunangat nunalingmi kiggaqtuiluni. Kanatamiutaq Qaujisaqtimmaringmi Angangajuqqaq Inuungikkun, uvvaluunniit Inuit katujjiqatigiingani uvvaluunniit Inuit Nunangat nunalingmi kiggaqtuingikkun, Inungmi ikajuqtimi pilirijuaqiaqaqtu qaujisarnimu tuksiqtuutimik pivalliatititigitiit pigialiqitillugi ammalu qaujisaqtimmaruqatauluni piliriaksamut ikajuqtigiingulutik.

Titiqqami Piliriniarniraqtumi (LOI) pitaqariaqaqtuq angiqtaujunnarninga ammalu atuutininga pijumajumut qaujisaqtuqallugu. Taannalu maliktauniaqtuni tunisijunnarnirmi qaiquajuluni Iluittuujumik Tuksiqtuutimik taakkununga qaujisaqtinut ikajuqtigiingujunut angiqtaujunnarninga ammalu atuutininga pitaqaruni. Tamainni Titiqqami Piliriniarniraqtumi (LOI) ammalu Iluittuujumik Tuksiqtuuti tunijaujariaqaqtuq qarasaujatigut tunisijutitigut (Kupaingmi Qaujisaqtilirijit qarasaujaqsutinga [FRQnet]) [FRQnet - Portfolio \(gouv.qc.ca\)](https://frq.gouv.qc.ca).

Unikkaat nanijaujunaqtut Piliriangujumut Ikajuutunik, atuinnaajut Pijumajut Qaujisarnimu Tuksiqtuutingata qarasaujaqsutingani <https://frq.gouv.qc.ca/en/program/canada-inuit-nunangat-united-kingdom-arctic-research-programme>. Tukisigiarutikkanniit angiqtaujunnarnirmi pitaqariaqaqtut atuni kiinaujaqtuutitut ikajuqtigiit, ammattaup taiguusiit ammalu qanuilinganingi taakkununga ikajuqtigiingujunut, nanijaujunaqtut ikajuqtigiingata atuni qarasaujaqsutinginni. Kiinaujaqtuutikkuuqtut piliriaksait angiqtaujunaqtut ajunngitaujumik qaujisarnimu ikajuutauluni, atuinnautitaulluni Mirnguisirvilirijikkut Kanatami (PARKS)–kkutigu, Kanatami Qaujisaqtinu Katimajit (NRC)–kkutigu ammalu Nunarjuap Kajjiganik Qaujimanigaqtut Kanata (POLAR)–kkutigu. Ajunngitaujutitigut ikajuqtajut qanuilinganinga ilaqarunnaqtut tujurmiviksamik, igluqtajunik atuinnautittinirmi, iniujunik, piqtunik, pilirijitigut ikajuutimik, sanajimik ikajuutimik, asingillu Iluittuujumik Tuksiqtuutiit uqaqsimalluaqtut piliriniarniaqtanginni pinajuktumik ajunngitaujutitigut ikajuutimik.

Pijumajut Qaujisarnimu Tuksituutiit Katinngajut

Angiqtaujunaqtuut, piliriaksait kamagijariaqaqtut atausirmi katinngajunik marruujunik, ammattaup akaunnngilurutaajunik qanuilingaruluuqaqtunik, takutitajut ataani. Tatarijiiq ajauqsuqtajummarit tusarasuglutik atuutijumik kiinaujaqtuutiqaqtunik katujjiqatigiingujuk qaujimaqullugi katinngajunut ajjiqaraluarmangaat.

Katinngajuq 1 – Ukiuqtaqtumi Avatigijaujunik ammalu Aktuiningi Inuit Nunalinginni

(kiinaujaqtuuti tunijaujuq Ingalami Qaujisarniq ammalu Piliriruluujarniq (UKRI)–kkunni, Nunarjuap Kajjiganik Qaujimanigaqtut Kanata (POLAR)–kkunni; ammalu Kupaingmi Qaujisaqtilirijit (FRQ), atuutikpat)

Taanna katinngajuq qimirrulluaqtuq qaujisarnirmi ilaqaqtuni tukisiumanirmi Ukiuqtaqtumi avatigijaujut aulanirijanginni sukkaajumik asijjiqpallianingata unikkaanginnik ammalu aktuininga taakkununga asijjiqpalliajunut Inuit aanniaqaqtailininganu ammalu qanuingittiarnininni. Taanna ilaqaqtuq nunamiutanik ammalu imattiangmuitanik avatigijaujunik ammalu nunaqpasimmiittunik (tariuq, imattiavak uvvaluunniit piqalujaj siku, aputi, augunnangittuq) qaujisarnirmi nunalingni, aviktuqsimajumi ammalu ukiuqtaqtulimaami qavvasingnilingmi piuniqsaujunut atuqtaujunaqtunut ammalu nalauttarutitut; aktuiniujut tariurmitanut ammalu nunamiutanut avatingita asijjiqpallianingni nunalingni avatigijaujunik ammalu pimmariumingni ammalu qanuingittiarningni Inuit Nunanganu nunalingni ammalu Inungni. Uuktuutajut qaujisarnimu piliriangujunaqtut taassumunga katinngajumik ilaqarunnaqtuq, kisiani **kigliqangiᖃuni imailiuriksaq**:

- nuattinirmu pigiarutaujunik tukisigarutinik nunamiutanik, imattiangmiutanik ammalu tariurmiutanik avatigijaujunik ilaqaqtutik aniqtingittunik ilulinginni suurlu nunaqpasingmiittunik;
- qimirrorunirmi ammalu katiqsuqsimajunik atuqtaujunnaqtunik nunamiutanik, imattiangmiutanik ammalu tariurmiutanik avatigijaujut asijjirninginni pigiarutaujuq aaqkisuqtausimaliqtillugi, ammalu qanuulirijangi aktuiniujunnaqtut Inuit nunalinginni;
- nalunaiqsinirmi saqqippalliajunik ulurianaqtut ammalu piviksaujut avatiup asijjipallianinga maliklugu ammalu aktuiniujunnaqtut Inungnu ammalu Inuit nunalinginni pivalliatittinirmi kamagijaukautigijumi ammalu pilirittiaqtumi qanuigiarnirmi;
- avatigijaujut asijjipallianingi ammalu aktuiningi Ukiuqtaqtumi iliqqusingani ammalu iliqqusingani piqqusituqaujut ammalu tuluqtarutaujut ammalu piviksaujut piuqsuarasungnirmi ajiungittuujumi taassumunga avatimi;
- ajiigiingiluuaqtut asijjipallianingi ammalu tariurmiutanu ammalu nunamiutanu uumajuuqatigiinu unurninginni upaksikatagunnarluni ammalu tuluqtarutaujut ammalu piviksaujut taakkua atuinnaliqtittijut niqiqattiarnirmi ammalu niqittiauvaujunik, ammalu kiinaujalirinirmi ajiigiingiruluujaliqtittinirmi;
- silaup asijjipallianingata aktuiningi Inuit iliqqusinganni ammalu niqksaningnirmu piliriniujunik piusitinnasuglugi tukisiumaniujut aanniaqaqtailinirmu qanuittunnaqtuni ilaqaqtut, ammalu saqqijaaqtunik-tatiqaqtut silami ilautaujunnarnirmu atuaganik-saqqittivallianirmi;
- tukisiumaniq ammalu nalauttaarnirmi silaup asijjipallianirmi aktuqtaujunik pitaqariaqaqtut ammalu ilakuujut niqiqarniujumik aaqkismajunik inungnu tatigijaujunut, ilaqaqtut Inuit ammalu niuviasaqaqtuijunik niqiqattiarnirmi;
- qaujimanirmi aanniangujunnaqtunik ukiuqtaqtunik uumajuujunik, ilaqaqtuni aktuinirmi niqillattaanik ammalu niqiqattiarnirmi;
- aktuiniujut pujurlungni ammalu inungnu qanuiliurnirmi nunaliit avatingani (suurlu silaup piuninga, imaup piuninga, niqillattaat, asingillu) ammalu nunalingni ammalu Inuit aanniaqaqtailinirmu ammalu qanuingittiarningi;
- tukisiumanirmi avatiup aktuininunnaqtangani kanatami ammalu nunarjuami maligaujunik ammalu sapujjinirmi;
- silaup asijjipallianingani aktuujut inulirinirmu pijjutaujunik Inuit aanniaqaqtailinirmu;
- nalunaiqsinirmi amigaqtunik maligatigut ammalu atuaganik ikajuutijunik aaqkisuqsimajunut tuluqtarutaujunik aanniaqaqtailiniup ammalu qanuingittiarniup iluani aviktuqsimajumik ammalu qanuq taakkua piujunniqtitaukkannirmiujunik avatiup asijjipallianinga pijjuttaulluni;
- ataunggiliurutaujut ingirrajunnarninginni Inuit Nunangani nunalingni, ilaqaqtut quvvaqtittinirmi uvvaluunniit attiksitittinirmi ingirrajunnarniujunik inungni Ukiuqtaqtumiutanik sila asijjipallianingatu ammalu avatigijaujunik, ammalu qanuiliuqatigiingningi ammalu aktuaningi asingit pijjutaujut suurlu nangminiungittuq nuuttariaqalirningi/iniiqtauningi, nunalingni piqqusituqaujut ammalu iliqqusiqtigu pimmaruujut, ammalu katimajitigut ammalu kiinaujaliriniqtigut pijjutaujunik.

Katinngajuq 2 – Aktuingippaallirniit ammalu Ilagijauqataulirniq Sannqijuuqullugi

(kiinaujaqtuuti tunijaujuq Ingalami Qaujisarniq ammalu Piliriruluujarniq (UKRI)–kkunni, Nunarjuap Kajjanganik Qaujimaniquqtut Kanata (NRC)–kkunni; ammalu Kupaingmi Qaujisaqtilirijit (FRQ), atuutikpat)

Taanna katinngajuq qimirroruuaqtuq qaujisarnirmi ilaqaqtunik piliriruluujarnirmi, atuutijunnaqtumi ammalu kamattiaqtumik aktuingippaallirniit ammalu ilagijauqataunirmu sanarrutinik ammalu piqtigalangni aaqqigutaujunnaqtunik tukisiumanirminngaqtumi aktuiniujunik avatimi asijjirniit iglulirinirmu, aanniaqaqtailinirmu, niqinut ammalu imarmi. Ingirrajutaujut angijuujuq amigaqtut pitaqarningi Inuit Nunangani ammalu Kanatalimaami, ammalu saqqijaaqtut ingirrajutiujunik Inuit Nunangani attarnaqsivallianginnarninga silaup asijjipallianingani ilaqaqtut akaunngiliurutaujunik. Uuktuutaujut qaujisarnirmu piliriangujunnaqtut taassumunga katinngajumik ilaqarunnaqtuq, kisiani **kigliqangihuni imailiuriksaq**:

- piqtigalangni qanuiliarnirmi asijjipallianiuujumi maniraup qanuilinganingani aktuiniujut nunalingni ingirrajutaujunik, suurlu augunnangittuq aukpallianingani ammalu sigjaup piujunniqpallianingani;
- ilagijauqataulirniq qaqutikkuk aqquitiit aaqkisuqsimaningi avatiup qanuilinganinga asijjigattarningani ammalu aktuininga nunalingnu pijunnarninginni niqillattaanut, aanniaqaqtailinirmu ingirrajutiujunik ammalu piqtiksaujunik;
- aktuiniujut ilagijaujut ammalu piviksaujut tariurmiutanuk ingirrajutinik igluqtiksaujunik, niqiqattiarnirmi ammalu attarnaqtailinirmi, tamainnu avatimu ammalu inuujunut;

- piliriruluujarnirmi niqinut, imarmu ammalu aktakunik aaqiksuqsimajunik qanuilingiarnirmi avatiup qanuilinganinga asijjiqpallianinga nunalingni upaktaugajungittunik;
- iglumi–quvvasingniqaqtut nutaanngurunaqtut uummaqqutiit aaqiksuqsimajut ammalu tuquqsimaju;
- nutaat piqutigalait ikajuqsuijut uummaqqutinut pilirittiarutaujut ammalu nutaannguqtitaujut inulirinirmu iglulirinirmi;
- ajurnangittunik piliriruluujarniit, ilaqaqtutik tarrijautigut aanniaqaqtailinirmu pijissirmiit ikajuqsuullutik nunalingni ammalu Inuit tautungagut ammalu isumangagut aanniaqaqtailinirmi ammalu qanuingittiarnirmu pijissirmiit, ilaqaqtunik silaup asijjiqpallianingani aktuujunik;
- sanngijuujuut piqutigalait qanuingittiarnirmu, piliriruluujarnirmu, ilagijaulirunnarnirmu ammalu iliqqusikku naammaktuujunik iglulirinirmi piliriaqaqtunik aktuiniujunik igluqatigiit inugialuarninginni iglulirinirmu qanuinninginni, ilaqaqtunik silaup asijjiqpallianingani aktuujunik;
- avatiup aktuinirimunnaqtangani maannaujumi ammalu sivunittinni atuinnaujunnaqtunik ammalu pijajunnaqtunik salumajumik imarmi imiqtaksaujumik inuit nunalinginni;
- piqutigalait makimatittijunnaqtunik pivalliatittinirmu, ikajuqsuullutik nunalingni sivulluutitaujunik
- piqutigalait ajurunniiqtittijut aulattijiuqatigiinut illitinirmi ammalu ilinniarnirmi makimanirmu uummaqqutinik niruaqtajunnaqtunik.

Tuksiqtuutiit piliriaqalluaqtut marruungni akaunngiliurutaajunik qanuilingaruluuqaqtunik ataaniittunik:

- **Kiinaujalirinirmi ukiuqtaqtumi asijjirningani:** suurlu, nunaliit kiglingani (uumajjutajunnaqtunik kiinaujalirinirmi, nunaliit iliqqusinginni ammalu tauqsiiqatigiingnikku ilagiingniujunik) nutaanut sanavvigalangnu, ilaqaqtutik utiqtaqtumik kiinaujalirinirmi, pivalliatittinirmi nutaanik iqalugasugviujunik ammalu nutaanik nuktarunnautinik tuqqaqtarvingni, nunarjuami tauqsiiqatigiingujunik, ilaqaqtuni nunarjuami maligaliurnirmi ammalu aulattinirmi, ammalu akilijarialingni tujuqsiiqattarnirmu iglinirmi, pularaqattaqtunik, ammalu inulirinirmu–kiinaujalirinirmu aktuiniujut silaup asijjiqpallianinga pillugu.
- **Sanngijuuqullugi ammalu makimaniujuq:** suurlu, nunaliit, ingirrajutaajunik ammalu sanavvigalangni, ammalu avatiup asijjirninga Ukiuqtaqtumi; tukisiumaniq pimmaruujut pijjutaujut ammalu aaqiksijjutaujut (inulirinirmu, iliqqusitigut, kamattiaqtumik, kiinaujalirinirtigu, nunannguatuigu, katimajitigu, ingirrajutinik–ilaqaqtunik) Inuit nunalinginni sanngijuuqullugi sukkajumik Ukiuqtaqtumi silaup asijjiqpallianingani ammalu/uvvaluunniit quvvaqpallianingi attarnaqtut pirjuangujut.
- **Inuit nunalingni aanniaqaqtailimaniq ammalu qanuingittiarniq:** suurlu, ilagiigalangningi ammalu tatigiiqattautiningi nunaliit aanniaqaqtailimaniq ammalu qanuingittiarniq ammalu avatiup nangminiq asijjiqpallianinga; saqqittiniq Inungnu–turaangajumi, iliqqusikkut atuutijunik, ammalu arnanut angutinut turaangajunik aanniaqaqtailimaniq ammalu qanuingittiarnirmu nalunaikkutaajunik ilaliutittijunik silaup attarnaqtuuningani, ammalu taakkua qimirrullugi titiqqannguqtiqullugi silaup asijjiqpallianingata aktuininga Inuit aanniaqaqtailininganut.

Kiinaujaqtuutiit Atuinnaujut

Kiinaujaqtuutiit atuinnaujut taassumunga pijumajumut 6,900,000 kanataup kiinaujanganik quvvasiktigipaluktuq kanatamiutanik ikajuqtiingujunut ammalu £7,630,000 ingalaup kiinaujanganani Ingalami Qaujisarniq ammalu Piliriruluujarniq (UKRI) –minngaaqtumik.

Kiinaujaqtuutikkut tatatirisimajut angiqtaujunnaqtut arraagutamaat ikajuqtaukkannirunnarlutik 50,000–mi Kanataup kiinaujanganik Kupaingmi Qaujisaqtilirijit (FRQ)–kkutigu ikajurasuglutik piliriqatauninginni qaujisarnirmi Kupaik aviktuqsimajanganani. Kanatamiutait tatatirisimajunut, quttilaaq kiinaujaqtuutiksaq isumaksaqsiurutiujut atuni piliriangujumi 200,000–ngujuq arraagutamaaq, ilaqaqtuni Kupaingmi Qaujisaqtilirijit (FRQ)–mi ikajuutiujumik, arraagut 3–nut tikillugu. Katillugu pinajuktaujuq kiinaujaqtuutimut atuni piliriangujumut qaangiqsijariaqangittuq 600,000 Kanataup kiinaujanganik.

Ingalamingaaqtunik, kiinaujaqtuutimut atuni piliriangujumut qaangiqsijariaqangittuq £545,000 ingala kiinaujanganik (80 pusanit Iluittuujumik Kiinaujaliriup Akingata kiglianik) atuni piliriangujumimut, arraagut 3–nut tikillugu.

Pimmariujut Ulluit

Titiqqami piliriiniraqtumi Tunisiniup Isulivviksanga Aagusti 4 2021–ngujuq, 4–mi Unnaksakkut Kanangnaup Ikarrangani (9 Unnuakkut Ingalaup Ikarrangani)

Tunisiniup isulivviksanga Iluittuq Tuksiqtuutiup uvaniujuq Nuvipiri 10 2021–ngujuq, 4–mit Unnuksakkut Kanangnaup Ikarranga (9 Gurinij Qaujisautaa Maliglugu)

Pimmariujut Atuqtauinnaqtut

Tatatirijumaguvit **Katinngajuq 1**–tigut, uqalimaaqtiaruk Piliriangujumut Ikajuuti, ammalu tamainni asingit angiqtauunnarnirmu pitaqariaqaqtut kiinaujaqtuutitut ilagiingujunut qarasaujaqsutingani –

- Ingalamingaaqtunik tatatirijumajunut:
 - Ingalami Qaujisarniq ammalu Piliriruluujarniq (UKRI)–kkut Taiguusiit ammalu Qanuilinganingit: [Research Grants Handbook \(ukri.org\)](#)
- Kanatamiutanut tatatirijumajunut:
Nunarjuap Kajjiganik Qaujimaniqaqtut Kanata (POLAR)–kkut Taiguusiit ammalu Qanuilinganingit: *Utiqtittariaqangittut ammalu Ikajuutiit Ikajurutaujut Piusivaalliqittinirmi Ukiuqtaqtumi Kiglisiniarnirmi ammalu Piquitiruluujanut* <https://www.canada.ca/en/polar-knowledge/fundingforresearchers/grants-and-contributions-to-support-the-advancement-of-northern-science-and-technology.html>
- Sulikkanniq, Kupaingmi tatatirijumajunut:
 - Kupaingmi Qaujisaqtilirijiit (FRQ)–kkut taiguusiit ammalu qanuilinganingit: https://frq.gouv.qc.ca/app/uploads/2021/05/rgc_2020_va.pdf

Tatatirijumaguvit **Katinngajuq 2**–tigut, uqalimaaqtiaruk Piliriangujumut Ikajuuti, ammalu tamainni asingit angiqtauunnarnirmu pitaqariaqaqtut kiinaujaqtuutitut ilagiingujunut qarasaujaqsutingani –

- Ingalamingaaqtunik tatatirijumajunut: Ingalami Qaujisarniq ammalu Piliriruluujarniq (UKRI)–kkut Taiguusiit ammalu Qanuilinganingit: [Research Grants Handbook \(ukri.org\)](#)
- Kanatamiutanut tatatirijumajunut:
Kanatami Qaujisaqtinu Katimajiit (NRC)–kkut Taiguusiit ammalu Qanuilinganingit: [English: https://nrc.canada.ca/en/call-research-proposals-under-canada-inuit-nunangat-uk-arctic-research-programme](https://nrc.canada.ca/en/call-research-proposals-under-canada-inuit-nunangat-uk-arctic-research-programme)
[French: https://nrc.canada.ca/fr/appele-propositions-recherche-cadre-programme-recherche-larctique-canada-inuit-nunangat-royaume-uni](https://nrc.canada.ca/fr/appele-propositions-recherche-cadre-programme-recherche-larctique-canada-inuit-nunangat-royaume-uni)
- Sulikkanniq, Kupaingmi tatatirijumajunut:
 - Kupaingmi Qaujisaqtilirijiit (FRQ) Taiguusiit ammalu Qanuilinganingit: qarasaujaqsutinga Tamaitigu Kikkutuinnanut Piquajait

Tusariarumaguvit uvvaluunniit tatatirijumaguvit **ajunggitaujumik ikajuqtaunikkut**, uqaqatigittiammariguk kiinaujaqtuutitut pillirivvik tuksiqturviginasuktarnik ajunggitaujumit ikajuqtaunikkutigu:

- Nunarjuap Kajjiganik Qaujimaniqaqtut Kanata (POLAR): Kanataup Ukiuqtaqtungani Qaujisarnirmu Iqqanaijarvik (CHARS) sanavvik, researchsupport-soutienalarecherche@polar-polaire.gc.ca
- Kanatami Qaujisaqtinu Katimajiit (NRC): Anne Barker, anne.barker@nrc-cnrc.gc.ca
- Mirnguiqsirvilirijikkut Kanatami (PARKS): <https://gccollab.ca/pages/view/3994535/enresearch-in-parks-canadas-arctic-sitesfrla-recherche-dans-les-sites-arctiques-du-parcs-canada>

Uqarviujuksaup Nalunaikkutinga

Tamaitigut apiqqutiit Pijumajut pilirijusingani uvvaluunniit angiqtauunnarnirmu miksaanut, uqaqatigikki Kupaingmi Qaujisaqtilirijiit (FRQ)–kkut. Apirijuup atingit nalunaqsititauniaqtut ammalu inulimaanut takuksautitaulutik Apiqqutiit Apiriugajuktut (FAQ) makpiqtugangani.

Natalie Noël

Qarasaujakkut titirarvia: arctic@frq.gouv.qc.ca

Qarasaujaqsuti: www.frqnt.gouv.qc.ca

Unikkaanik atuutijunnaqtunik qaujisarnirmi atuni katinngajunik, uvvaluunniit apiqqutinik angiqtaujunnaqtunut pitaqariaqaqtunut atuni kiinaujaqtuutinuk ikajuqtigiinut, uvvaluunniit taiguusinik ammalu qanuilingajunik turaangajunik, uqaqatigiguk nalunaiqsimajuq atuqtaujunnaqtuq ataani.
Apirijuup atingit nalunaqsititauniaqtut ammalu inulimaanut takuksautitaulutik Apiqqutiit Apiriugajuktut (FAQ) makpiqtugangani.

Inuit Tapiriit Kanatami (ITK), www.itk.ca

Conor Mallory, mallory@itk.ca

Ingalami Qaujisarniq ammalu Piliriruluujarniq, (UKRI) www.ukri.org

Jessica Surma, jessica.surma@nerc.ukri.org

Nunarjuap Kajjiganik Qaujimanikaqtut Kanata (POLAR), www.canada.ca/en/polar-knowledge.html

grants-contributions@polar-polaire.gc.ca

Kanatami Qaujisaqtinu Katimajit (NRC), <https://nrc.canada.ca/en>

Apiqqutiit atuutijunut qaujisarnirmi: Anne Barker, anne.barker@nrc-cnrc.gc.ca

Apiqqutiit angiqtaujunnarnirmu uvvaluunniit taiguusinik ammalu qanuilingajunik turaangajuni: Elena Di Francesco, elena.difrancesco@cnrc-nrc.gc.ca

Mirnguiqsirvilirijikkut Kanatami (PARKS), <https://www.pc.gc.ca/en>

Stephen Mccanny, stephen.mccanny@canada.ca

Taanna pijumajut qaujisarnirmu tuksiqtuutiit ajurunniiqtitaujuq Kanata–Inuit Nunangat–Ingalami Ukiuqtaqtumi Qaujisarnirmu Piliriaksamut Ikajuqtigiitigut



Polar Knowledge
Canada

Savoir polaire
Canada



UK Research
and Innovation



ᐃᓄᐃᑦ ᑕᐱᓃᑦ ᑲᓇᑕᑦ
INUIT TAPIRIIT KANATAMI

Canada

National Research
Council Canada

Conseil national de
recherches Canada



Parks
Canada

Parcs
Canada

Québec

Fonds de recherche – Nature et technologies
Fonds de recherche – Santé
Fonds de recherche – Société et culture